


Hazrat Akdas Mufti Ahmad Khanpuri db ka
Dard Bhara Paigaam
(zilhaj 1441 – 2020)

Bismillahir Rahmannir Raheem

Zilhaj ka mahina umuman aur uska avval ashrah khususan bahot hi ahmiyat ka hamil he. Ahadeese mubarakah me uski badi fazilat varid huyi he. Ye mubarak ayyam takbir va tahlil aur haj va qurbani ke din he. Unme Allah se lav lagane ki fikr karni chahiye.

Covid-19 ke phelne ke sabab is waqt aalame insaaniyat jin halat se dochar he, us ka sabab hamari bad amali aur Allah ke ahkamat aur zikr se gaflat ke siva aur kaya he? Lekin ham abhi khwabe gaflat se bedar hone ke liye tayyar nahi.

Jin gharano ya ilako me ye vaba pahonch chuki he, unke alavah dusre log ab bhi apni masti me mast najar aate he. Khas tor se navjawan nasl mobile aur internet par be



maksad balke gunah ke kaamo me pehle ki tarah lagi huyi he.

Masjido ke bandh hone par hona to ye chahiye tha ke ham majeed tavajjuh ke saath Allah taala ke huzur ro ro kar apne gunaho ki maafi maangte, aur apne amal ko durust karne ka ehtemam karte, lekin tajjub he ke hamare navjawan namazo se majeed gafil najar ane lage.

Jab masjid me ba jamaat namaz ka intezam tha, tab jitne log namazo ka ehtemam karte the, ab us me kami aagai he ham halat ka rona to rote he lekin halat ke durust karne vale Allah ko raazi karne ka ehtemam nah karte.

Kiya ab bhi waqt nahi aaya ke hamare kulub Allah taala ki yaad aur us ke zikr ki taraf jhook jaye? In halat me to Allah ko raazi karne, istigfar zaydah karne aur har kisam ke gunaho se sachchi pakki toba karne ka nihayat ehtemam karne ki jarurat ha.

Allah taala hame us ki taufik ata farama kar

azmaish ke is daur ko khair va aafiyat vale daur se badal de aur ham sab ke saath fazal va ehsan ka mamla farmaye. Aamin. Ya mujibadain.

Meri aap se guzarish he ke in mubarak ayyam ko bekar jane se bachaye aur niche diye huye kaam karne ki pabandi farmaye.


(1) namazo aur tamam faraiz va vajibat ki pabandi kare.

(2) Allah taala se apne talluk ko mazboot kare.

(3) har kisam ke gunaho se sachchi pakki toba kare.

Pehle puri ummat ki taraf se 'nastagfirullah' padhne darkhast ki gayi thi, ab uske saath ye 'v natubu ilayhi' ka izafa farmale.

Aur pure dhiyan ke saath zyadah se zyadah din - raat ke kisi bhi hisse me in alfaz ka zikr karte rahe.



نَسْتَغْفِرُ اللَّهَ وَنَتُوبُ إِلَيْهِ
“NASTAGFIRULLAH
VA NATUBU ILAYHI”

Ya Allah ! Ham sab aap se magfirat chahte he aur aap ke huzur tauba karte he.

(4) Allah ki ayal yani Allah ke bando ke kaam aye, Khas tor se jo log is taklif deh aur jaan leva bimari ka shikar ho, unki aur unke gharvalo ki jitni ho sake madad jarur kare.

(5) lockdown ki vajah se pareshan dusre jarurat mando ka bhi apni takat ke mutabik taavun karte rahe.

Jo kaam hamare jimme he, agar ham ne un par baja tor par amal kiya to Allah taala ki jaat se kavi umeed he ke bahot jald halat behtar ho jayenge.

Aamin yarabbal aalamin bijahi sayyidil ambiyai val murasalin.

Ahmad Khanpuri ufiya anhu.

4 zilhaj1441 hij. 26 july 2020

